

兩

浙

輶

軒

錄

兩浙輶軒錄卷五目

嚴我斯 沈允範 方象瑛 孫在豐 陸隴其

葉燮 翁燧 徐逢吉 徐汾 鍾淵映

徐倬 胡會恩 沈三曾 高士奇 陳奕禧

陳訐 陸繁弨 孫琮 吳之振 王先吉

茹鉉 謝兆昌 汪以澄 潘崧 謝子道

閔聲 徐體仁 魯超 徐行 陳鉞

趙廣生 華藹 樓梯霞 胡源 陳自舜

許君微 應璫 馮永年 張鉉 宋李禹

李夏器 潘之白 嚴爾璦 彭錫纓 潘最

馮篆 徐茂勲 朱驂元 姜廷幹

兩浙輜軒錄卷五

督學使者阮元訂

嚴我斯

字就思號存菴歸安人順治辛丑進士康熙甲辰廷試第一歷官至禮部左侍郎著尺五堂詩刪

卷六

湖州府志我斯立朔端介絕黨援之習致仕後杜門謝客以著述自娛文章品行爲鄉邦之望吳興詩話我斯祖賢明末宰巢縣殉難乾隆中賜諡烈愍父有國孝行重一鄉

題湖上寓樓

樓前有桐樹婆娑枝葉好雨過生涼陰青蔥媚晴昊憶昔此樓居弱木如指小荏苒二十秋輪囷倏成抱嗟彼樹如此我寧不連老頽然坐南榮憂來不可掃雙峯如故人冠霞而衣綳對此豁襟情林巒足幽討安能逐氛埃零落同秋草倚桐三歎息還山苦不早

十峯草堂歌爲錢礎日作

九龍之山環九峯一峯一態如一龍興雲出雨氣磅礴鱗甲
欲動凌蒼空別有一峯伏而起神奇天矯爲龍尾世人咫尺
不知名古來畸士都如此中有草堂遠烟蘿峯峯迴薄青嶢
峨左圖右史安樂窩猿啼鶴唳山之阿草堂主人抱龍德或
潛或見人不識時時掉臂弄雲霞往往歌聲出金石曠懷雅
好遊名山往來齊魯盡躋攀有時夜半登日觀雙騎白鹿青
雲間去年把臂歷山麓清詩萬首酒百斛今年欸段走長安
不使滿塵流初服手持尺幅字琳瑯乞我題詩寄草堂予本
風塵落拓者青鞵布屨思徜徉安得投簪同泛宅五湖之曲
烟光白與君拄杖聽鳴泉夜雨松窗讀周易

滄州道上

荒臺斜日渺晴波五壘城邊一放歌
畫角風聲連渤海片帆

春色下滹沱
荷來對酒黃雲斷
天際懷人白鴈過
悵望南皮多勝槩
故園歸去未蹉跎

沈允範

字東臣號肯齋山陰人康熙丁未進士由中書歷官刑部郎中著采山堂集

紹興府志允範在秘閣中有異徵祖父皆器之稍長卽究心經史以詩文雅觀海內當代名流樂與之交戶外屢常滿也登第授內閣中書與修

世祖

章皇帝實錄壬子典試江南歷官刑曹每有矜疑終夜不寐歛是

以不寬

越郡詩選康臣樂府以唐調雜古音頗近元辭其詩近龍尤工然一夕而嘔血數回雖緣苦思倘亦神忌之矣

過滿聽軒追憶倪文正尙書

稽山秀色東南趨
香爐秦望爭盤紆
山腰雉堞環衣帶
城頭豔吐青芙蓉
何人築第城之下
學士倪公少司馬
人檻羣峯紫翠飛
滌階一水清冷瀉
雕甍銀漢繡棟連
浮雲文窗窈窕
窈丹青祕曲房
宛轉蛾眉新珍禽
襟樹迷花津
香車遊女不

動塵落手澄潭玉照人

池有落手亭

黃鸝送客銜紅巾問公之鑒

何年始憶在崇禎歲辛巳倒海移山不惜金秦樓鄭谷惟嫌
似絲竹長攜蠟屐邊圖書高擁冰簾裏絲竹圖書閱幾秋黃
巾盜沸天王憂九重密語下宣使王署夜進金甌鏊六韜九
伐籌來熟却敵桓溫嗤不足幕府掄材及狗屠平臺借箸兼
頗收金殿灰飛戰血紅大臣從死首推公願從傳說騎星斗
恥效張良擊祖龍元首股肱同日喪旅櫬長安無藁葬丹旌
招魂到寢門衣冠宿草原田上堂中珠履散如州劇孟侯贏
去不還月冷金窗虛屈成兩傾碧城長苔錢小山桂落嗽邊
鴈露井桃開泣杜鵑繁華昔日難重說詞客經過腸斷絕石
在平泉近有無鶴歸華表空騷屑君不見咸陽宮殿景陽鐘
翻掌興亡自不同又不見謝傅東山李北海名留天壤幾人

在有錢莫買成都田有酒須上鴨夷船
郾山種樹皆成拱萬馬樓邊白日寒
公自署樓曰萬馬飛青東南山色爲誰好
狂來一問滄浪天

宿平原草堂有懷諸開士

滿眼楓丹與柿黃萬山空濶暮雲蒼
劃天屏嶂圍飛觀夾路松杉枕北邙
客睡野堂啼虎豹人歸隔隴下牛羊
維摩自昔棲禪處金界重尋舊閣廊

花朝遊馬山人園林

蜻蜓小艇畫樓西曲港尋來竹覆溪
有酒不須紅袖勸櫻桃如豆鵲鳩啼

汪蛟門過飲京邸奉答

一冬幾度會同讌今日春風已吹面
當頭烏兔疾如飛莫怪

相逢苦畱戀四海誰看久要親恃君氣誼爲干城不憎祿位
余卑賤何況酒食嫌清貧沽醪酌盡如酥白喚婦呼兒頻逼
索醉倒不顧尙書期自歌不是屠門客聽君歌把君酒豪家
美炙比山堆臘味春菹此何有知君當筵欲罷難况有文章
贈予口愛君才調怕君醒傳杯搦筆憐雙手

送施愚山遊嵩山歸宣城

施侯尙古處濟世道已展雅志拯蒼黎苦心攻墳典所嗜徐
陳徒詞場共沈湎傷哉吾里英黔婁命終蹇謂伯調子長惟公懷
死友車過痛猶緬感義鬱我腸京華復繼繼遄聞駕歸輿將
躡嵩高巘茲山領羣嶽峻極地靈顯洞底走風雷雲中散鷄
犬二室及三臺仙蹤歷可踐公方授道要從教結壇墀劉根
昔避世毛衣長不剪王子亦何意矯首藥軒冕伊余斗祿嬰

樓樓昧懷卷腥腐非靈藥嗒焉就晚晚惜公此輕別離悵日
已遠人事難預籌嚴扉豈長偃

春晴舟望

二月客心驚交交對語鶯麥風吹幔細花氣引船輕巖壑空
明秀關河尙旆旌物華應不待勝事負勞生

寄施愚山比部督學山左

鳳城揮翰領羣英百里褰帷濟上行問禮人推周柱史傳經
門有魯諸生玉虹霧捲天河出金簡雲開日觀晴海嶽精靈
歸秦華看君詞賦與崑崙

春日放舟經王使君通明亭

舊館春濃客汎船風流猶憶使君賢金龜貰酒頻遊日柳絮
吟詩未嫁年樹上啼烏天似水樓邊嘶馬草如烟卽看王謝

飄零盡忍對青山落照邊

淮城九日喜晤大可

客舟一繫淮陰道九日逢君共酒杯黃菊可憐彭澤友青天
不斷宋公臺河梁濁浪催人渡城闕晴霞帶鴈來莫向殊方
嗟失路漢家誰似子雲才

題丁繼之秦淮水閣

老翁頭白是遺民歷數風流八十春小閣慣邀都護騎雙瞳
親見麗華人紅燈舞柘長牽夢翠袖薰香尙滿身邂逅一樽
殘菊裏邵平那得似君貧

吳霞蒸薛鶴洲張南溟夢敦招同豐臺看芍藥予以事
不果南溟夢敦各有詩依韻志悵

日日齋居對夕陽蹉跎長自惜春芳名花無分陪金谷故里

空思訪石梁。海燕引雛雛。戶靜鄰蜂合。密過簾香年。來物候
驚心甚。愁見宮槐次第黃。

送朱錫鬯之山左幕

紫芝軒後玉闌斜。充屋圖書匝地花。同在段家橋上別。年年
春暮隔悲笳。

同諸子赴西陵舟次分韻

官路三年別。今來復問途。野田飛燕雀。水國長菰蒲。遠堞看
浮越。長帆欲到吳。平生求友意。乘興未能孤。

冬暮送葉聖野歸吳門

十年寤寐耿難消。相見真能慰寂寥。意氣盡歸彭澤酒。行藏
合對富春潮。幾番北塞魚書遠。一壁江南鴈路高。聽發驪駒
無限恨。荒途今日正蕭條。

兩浙贈軒錄 卷五

贈大可

十載江天覩少微
風塵半落會當希
高人履集蓬蒿徑
才子風清薜荔衣
五月黃梅隨雨熟
兩川白鷺望晴飛
遙知別後詩千卷
手弄長松獨掩扉

九日集刺梅園松下送譚七舍人之官延安聯句四十

韻

秋氣薄林木

南海程可則周暉

蕭條鴻鴈天他鄉仍令節

秀水朱彝尊錫鬯

高會敞離筵客盡東南美

華亭高層雪二鮑

情因去往懸黃花分漢

苑

長洲中

綠酒自吳船繫馬斜陽裏

嘉興李良年武曾

班荆古樹前

枝撐寒雪厚

山陰沈允範康臣

幹走老龍纏空翠垂垂落

江都任懋麟李舟

層陰的的圓旅懷長戀此

嘉興譚吉應舟石

幽興豈徒然歲月風塵

換則川途夢寐牽相逢曾幾日

蘇回回首憶當年慷慨荆刺筑

層飛揚祖逖鞭一官乘絕障雙關動行旂入洛名元重

臨關汝最賢蒲桃隨馬至兗鸚鵡得人憐地險榆為塞原

荒鹵作田山來秦上郡遠接漢居延百戰山河舊

騎吹聞自應思魏尚那復羨張騫美政抑無敵雄文孰

與傳龍山爭繼緒鳳閣尚留連勝事歸圖畫

絃江淹魂已黯顧愷我誰先銀燭燒林黑金盤滬露鮮

霜螯充海族香橘摘江州麴米封鱗細

忘身是客恰笑口流涎俊味還稠盤深杯莫棄捐劇談

逾滾滾屢舞各僊僊聚散時難定交親志肯遷彈冠新

得路簪筆舊隨肩作吏今行矣專城敢任焉瘡痕何日

起井邑幾家全不問金如粟寧論酒是泉微書黃霸續

傳馬卿旋但遣心期在無愁後會愆河流千尺練

月挂九秋弦坐久頻催漏良衣輕更著綿祗緣詩錄別允遂

使夜忘眠長短青門柳憇崢嶸華嶽蓮來朝一揮手吉惆悵

隔幽燕則可

方象瑛

字謂仁遂安人康熙丁未進士已未舉博學鴻詞授編修著健松齋集

放百舌詩

昔聞百舌啼愛其多慧聲昨聞百舌啼竇巧何太盈既非羔
贊資言語畢一生此物雖區區禍不止及身今果困其子童
子無違情攜持樊籠中雛嬌難自明呼童代請命人物理始
平雛其歸舊巢慎毋學善鳴

送友

帶甲橫村市蕭蕭白羽飛兩年同作客一旦送君歸嶺雨侵
詩卷霜風老鐵衣漸江花月夜應夢舊書幃

登白嶽獨聳峰絕頂

飛鳥不到處攀條上下行古藤封仄徑孤樹引鐘聲日放千峰澗江分萬里明甌茶兼野蔞天外晚雲橫

太白樓懷古

濟州城邊河水綠女媧陵畔春如簇河水中分汶泗流鳧山嶧山競相逐千里平蕪數點烟嶙嶙彷彿辯東嶽太白當年此地游任城賀令交相篤醉解金龜又幾秋相逢官閣浮醪醑潑墨豪呼寫壯觀離奇勁絕無繩束下瞰南池濟水濱萬木垂楊千樹竹杜陵詩句憶青氍突兀碑題猶可讀西北遺踪半已墟頽垣荒草牛羊牧此地池亭縹緲間猶似江南山水曲我來三月春風生憑高縱望迴清矚百年無地不山川腐骨陳陳等草木何幸齊傳李杜名賀監許篈同芳躅水遠

兩浙輜軒錄

卷五

方象璚

七

山高月滿天詩仙酒聖驚庸俗山水由來不重人笑殺騶軒
空碌碌何不偕登太白樓齊魯江淮曠心目左招子美右青
蓮快譚劇飲酬昔夙酒酣落筆風雨飛莫使古人笑爾胸中
常局促

出都

驄馬驕嘶出

鳳城曲江珍重舊時名十年篝火搜中祕午日葵榴餞去程
學道不須師法吏展親差足慰生平五雲深處頻回首媿聽
人誇畫錦榮

昌江舟次

景德鎮

竊折無如此江聲峭壁中村紅窰屋火春白石坵風舟轉隨
湍疾人閒理柁工秋深寒夜雨薄醉倚疎篷

次江州

潯陽江畔古江州地扼荆揚接上游五柳舊傳陶令里百花
仍對庾公樓雲移廬阜穿天迴雨過巢湖繞郭流安得遠師
同結社樽前黃菊引清秋

登大別山

山是何年闢龜浮巨浸中路危低漢柳衣捲立江風千里孤
帆近雙城一水通曠懷神禹蹟寂寞舊行宮

過毛稚黃

昔坐松窗讀吳書渡江先問子雲居高情自覺浮名盡靜寄
真從學道餘一代風流憐謝朓幾年消渴臥相如文章看爾
成千古相待名山定不虛

登吳山同張用霖應嗣寅陳際叔沈甸華陸梯霞毛會

侯陸子容陳調士

覽勝同過伍相臺青槐小閣暫停杯雲移越嶠千峰見樹簇
江城萬井開對酒喜看耆舊在懷人便覺旅愁來故園西望
歸無計落日層樓畫角哀

吳門喜遇徐松之

懷人曾泛剡溪舟聞說囊詩向虎邱廿載著書依北寺頻年
清夢繞南州游踪喜接千人石豪賞誰誇百尺樓我欲與君
同載酒吳江楓落正驚秋

柴關嶺

野店篝篁中山深更漏悄門喧車馬聲

主程起獨早行行度柴關積水苦不了雲埋大壑陰霧收眾
山少怪石紛道周砢砢勢盤繞仰視不見人冥濛有飛鳥是

時秦軍來更戍長安道相值狹路間各自趨林篠踟躕望炊
烟人家蕩如掃僦舍試燎衣悵然逆懷抱

馬鞍嶺

棧山勢多端馬道最綿衍迤邐千萬盤雨乃益其險起伏總
不經低昂卒難檢閱歷既已多前驅諒不免叱馭泥濘中巖
谷互流轉亂石不知名陰崖護苔蘚仰睇未到山下視青萬
點雷與瀑布爭喧豗無近遠耳目失所司震撼詎及掩倒瀉
積水深窟宅蛟龍偃觸石不敢投懼與風俱捲對此怵心魂
豈止頭目眩役夫捷如猱崎嶇倍舒展微聞歌笑聲稍使客
心遣

觀音碣

舊名閭王碣順治中賈中丞漢復燬石間道易今名

未知碣若何聞名實險惡石勢怒猙獰熊虎競爭搏灌木盡

陰陰疾湍相噴薄車軌不得前馬蹄蕩無著舉步委深淵誰
能卽奮躍牛鬼與蛇神往往恣閃爍森羅變慈悲始覺天日
廓萬壘連青屏榛莽盡開拓圓或如編珠方乃如玉削間存
斧鑿痕當年記棧閣二千九百間遺址尙如昨遂令棧道平
馳驅欣有託夾岸曲闌千秋花互開落乃知閱歷疎登臨自
駭愕履險如康莊處處領其略

雞頭關

何時天地圻隕石紛嶢嶢盤曲七八折天然結構牢崢嶸勢
猛絕絳幘冠其曹始進旣剗削更入方迢遙拾級循之上不
知所歷高危崖千萬丈屈曲梯層霄湍流當其下勢欲傾波
濤轟轟白晝晦不辨人語器險絕有如此界限隴蜀交往者
逆臣判據險恣雄豪道塞飛鳥絕來往無狺狺一鼓奪其氣

萬馬同奔逃遂使鸞叢險依然歸

聖朝於此見天意智力何足驕在德不在險順逆爭秋毫

五丁峽

五丁既闢道萬里開鸞叢絕壁兩岸坼偉矣造化功如何有
遺力不令道路空盤紆費蚓折洞壑青濛濛飛瀑穿峽出噴
薄奔蜺虹散作雪花落倒瀉虬龍宮石拒水愈怒崩迫久勿
東晴天雷雨鬪灌莽搖天風碎石更磊塊零亂蹊澗中脛觸
人氣奪鐵落馬亦窮乃知天地意戒絕蕃漢通車書旣混一
再變紛來同何不呼巨靈更施斧鑿工陽崖摧距角陰谷莖
蒙茸往來兩無阻庶豁千古胸

龍洞背

神龍穿石飛洞壑晝常晦人乃捷於龍盤旋出龍背躡衣入

重雲勢與風雲會危崖千萬狀不知如何代突兀浮圖高縱
橫屏幃大鱗鬣樹千章泉流吐飛沫下注不測溪沈沈氣冥
昧倘燃牛渚犀百靈宛然在羌山多靈奇策名此爲最何必
御風行曠然天地外

七盤關

雞頭關前七盤嶺蚓曲蛇蟠纔見頂氏中又復度七盤詰屈
紆迴勢相引層崖邃谷路轉通拾級忽見雲巖空却怪頂觸
前人趾不知膝舉當心胸寧心息魄詔奇絕萬里山川風氣
別一關中斷隴蜀分羌笛渝歌乍相接遙望川巴萬點明白
雲紫霧還縱橫鱗鱗彷彿蛾眉雪不知何處錦官城北望京
華南望越懷人兩地情偏切今朝身入大荒西涼風古驛中
秋月

登高標山望峨眉歌

生平夢想峨眉雪才到峨眉恰冬月雪滿山城磴道封此生
料與峨眉絕偶然拾級高標山九峯三水几前列天寒晝晦
烟濛濛巴霧黎雲遞明滅俄見鱗鱗疊嶂開寒光徑與遙天
接橫空倒出碧芙蓉萬丈琉璃浮玉屑錦官城裏望雪山影
落蠻荒看未徹今朝真得見峨眉一氣杳冥無斷缺不辨岡
巒萬樹青滄茫那識金銀闕問道冰寒夏沁人山僧至老忘
裘葛乃知勝地自幽奇天地無心氣蟠結願得移家傍此中
蕭疎枕簟消暄熱便是綏山地土仙不用騎羊問真訣

一名
綏山

孫在豐

字屹瞻歸安人康熙庚戌進士及第第二人授編修歷官至工部侍郎總督南河兼禮部侍郎著醇

道堂集

兩浙輶軒錄卷五

鄧孝威尊道堂集序略曰司空孫岵瞻先生以臚傳第

特簡司空嘗侍燕

清宮題詩歌其酬之榮所著尊道堂詩

廟宇

邊闕方嶽河海林泉以及家庭之哀樂友朋之宴游情

無不周詩亦具備而片體宏格正訓高識醇流麗而沈

翠美籠罩百家笑疑乎

蘇州道中望盤山

天門縹緲樹冥冥巖作雲根翠作屏終古幽泉鳴澗壑何年

春雨刷芝苓東廻滄海連三島北擁

橋山護萬靈聞道禪關七十二望中遙指一峰青

渝關唐建一名臨渝關以臨渝水故名

渡臨渝水問渝關舊是唐宗甲馬還兔走蕪田飛羽落人耕

沙磧戍樓閒燕然千里寒無樹虛谷三邊鎖有山葦道春風

迴灑處。斑斑細看雨痕斑。

送張毅文歸鬱洲

蒼梧飛落碧雲流。天畔神山古鬱洲。
花竹千家雙去棹。煙波萬里一浮鷗。
月將珠貝臨書卷。樹作珊瑚拂釣鉤。
踏破錦苔留片石。淮東江北海西頭。

主恩重。瑞舊漁磯。問闔閭。曾排路。豈迷瓠子無愁。
沉白壁。桃花有徑。覓丹梯。一封已重民品。願三賦從沾。

御墨題歸去名山。還著作。隨君清夢海雲西。

同勿箴貞一出西郭至摩訶巷歸途過圓覺寺

北闕淹清晝。西郊豁遠天。朝參真自懶。野興詎能捐。
古寺雙松蓋。秋山疊翠連。蒼然如故老。不見已三年。

款段入林皋。幽期亦自豪。飛鴻觀物態。聯轡得吾曹。
旱地殘

禾黍秋畦響枯棹無涯有生事可以念民勞

柬答徐彥和宮允

帶草春堦映綠蕪著書端合屬潛夫

帝勤宣室蒼生問天子名山大雅扶江水鷗盟稀舊侶漢庭

虎觀幾真儒聲華莫便干南斗寂寞雲亭興不孤

陸隴其

初名龍其字稼書平湖人康熙庚戌進士授嘉定知縣落職舉廉吏復原官補靈壽擢四川道御史

雍正五年從祀

賜專

孔廟乾隆初追贈內閣學士兼禮部侍郎諡清獻

著三魚堂文集十二卷外集六卷附錄一卷

撰李詩繫隴其居邇上少食貧授徒以給專意聖賢之

學而一折衷于朱子成進士知嘉定邑劇難治以盜案落

職嘉民填塞街市赴撫軍所聲其冤去之日饋薪粟涕

泗寤曉架栢結緣燭燭以送遠鄉者刻木為位旌幢鼓

吹迎歸以祠之四方人士為詩文曰公歸集罷官之榮

近今所未有也後總憲魏象樞舉廉吏十人隴其與焉

有復原官補靈壽力爭派運騾車得減役勸民耕荒不報聞

起科審丁不增額積弊頓除庚午
上諭舉科道員九卿薦之擢御史首疏畿輔賑荒再疏參湖

撫在任守制三疏捐納保舉不可行忤衆議革職謫奉

上特宥之仍以試俸不刑職罷歸屏跡卹舍布衣蔬食泰如

上忽問輔臣欲用爲江南學院而體共

已沒矣旋起旋頤未究其學惜哉

絳樹閣詩話先生儒林冠冕朝端麟鳳今讀三魚堂全

集不獨文章似嶽國詩亦元次山之風則也乾隆甲申

歲丹當湖瞻謁公像德容清溫真使後學興起而宋

詩者畧焉噫選詩以詩不以人人與詩兩失之矣

梁溪詠題潘貞女奔喪記

夙昔聞梁溪蔚爲賢聖鄉赫赫高輿顧發憤立大防埽除末

俗態奕世有輝光至今兒女子亦知重綱常制行有偏全此

道猶未亾卓哉潘貞女志操嚴秋霜未識夫壻面永矢不敢

忘於禮似爲過摯性逾共姜我從貞女弟得一聞其詳示我

奔喪記滿紙覺芬芳人生苟努力何事不可強劇秦美新者

兩折肱肝掌

是誠何心腸

送匏湖叔南歸

仕宦如奕棋勝負何足論所貴有天爵到處自長存所以古
先哲三已色常溫不見朱考亭一生明六經登朝九十日謠
詠滿中庭著述仍不倦身退名愈馨莫恨一書生不得作公
卿古來書生業往往勝蓬瀛高山衆所仰千秋常錚錚願言
志大道一切鴻毛輕

葉

變

字星期號已畦嘉善人康熙庚戌進士官寶應知縣著二葉草堂集

鄧漢儀曰葉變吳江人嘉善籍詩以險怪爲工錢仁榮曰星期知寶應以不合上官而去葉二葉草堂于橫山之陽與石門吳孟舉相友善所爲詩不驚人不多道嘗謂古今詩人祇有唐杜

甫韓愈宋蘇軾三人而已季春客邗上過文選樓訪孝威同鶴問穆倩諸子小集

漫賦

帝子何年去音容想像中交遊隨世換詞賦有誰工綠柳平
橋水繁絃別館風烟花滿眼地愁見楚天鴻
萬井喧淮市高樓足放閒白連隋苑雨青老秣陵山借別殘
春騎銷魂碧水灣且同詞賦客把酒慰愁顏

山居雜詩

兀坐閨終古南山當我廬憶昨卜諫茅愛山面山居惟此山
與我坐臥飲食俱性情人益習交好澹相娛忘我并忘山謂
山特面予勞生大造間何物非助吾果日燭我閨清風涼我
裾萬有適五官恬然向其輪何爲擾且攘求鑒無時餘猶復
矜子智夔益笑虻愚

季重用東坡平生錦繡腸蚤歲藜莧腹詩句次全韻見

贈鼎韻奉答

彝鼎尊商周土花蝕青綠學識推老成被褐道逾足
莧莧與詩書傾奪蟠此腹實有人心憂詎念生計蹙
門內競鳴鐘君獨親樵牧經史必探源黃淮不混瀆
家住崑山陽人峯兩如玉話出魑魅潛藥脫機雲伏
晚歲得新交吾軍張可卜肩隨家阿連迅比霜鷗逐
九來屠蘇酒未乾以人來飲子真谷始悟浮生理賤貧
亦可欲新月挂枯桐林塘靜一曲燈光青熒中求道鞭加速

吳漢槎北歸賦贈次昌黎憶昨行韻

山空木槁寒擁灰遠傳故人絕塞迴恍惚二十七年別
舊遊零落鄒與枚事異管寧訝蘇武間里浩歌君號哀
北堂慈母幸無恙皓首重酌兒金鼎我欲握手急勞苦
重湖浪隔連山

摧遙聞滿城絃管發玉餅蠻榼馳風雷宅南昔友墓木拱子
弟斑白鬢孺孩城郭人民半疑信我爲君感揮漼漼昔君龍
荒羽袂日陸行蹶轡川傾桅短衣不暖皮肉皴沙驚磧亂厓
崩隕生入玉門卽畫錦金雞丹鳳天雙來遭逢異數起徒伍
古來將相何嫌猜愛君者曰是天道彼譖久化沈淵能人生
生死并離合升沈榮辱闔與開今君歷歷銅百鍊從此學道
何有哉終天之恨鴈行感此日酬盡無餘災擊鐘烹鼎緋紫
耀箕眼直視瞋黃埃餘年奉母壽千百登堂吾歲祝耆鮐謖
辭日進不足聽北山堪買築且栽君才過人擅絕慧瞽言無
當中宵推

釣雪行爲顧茂倫賦

昔人稱詩在騷背顧叟獨韓江南船叉手不揖千乘貴滿頭
兩浙輞軒錄卷五

風雪慣作綠鬢鬢鬢軀八尺倚舷翻挂六尺帆荻花如雪
雪如掌哦詩理釣心手閒意不釣魚只釣雪釣雪不用餌與
釜柔櫓數聲暝烟合叩枕思醉茫無錢顧叟碩叟詩名四十
年昔時滿堂客高和斫地篇驅裘典盡脰不掩脫粟飯去釜
戛然等閒秋月春花夢老向滄浪話歲寒

西江水

瀨淮菰爾邑官卑井里罷慘慘窮簷來三五菜色黎河工作
無程軍行需輓旗常役額有則大役權其宜嗟彼負戴子痛
癢敢語誰視民實真傷蒿日中懷悲維彼河淮流從天降附
危絕遠西江水何來乘其衰高浪駕義舸排空山可移舟中
何所見高燃太乙藜爪牙盈百千帶刀橫市遠魚鼈役病氓
抗拂立粉蠶彈丸百室井橫決無防隄河濱嗟飽關喚喝眉

不低何來滔天勢擾此犬與雞彼且訴天吳繁興謠詠辭呵
斥抱關吏無自悔噬臍始悟草菅民用爲足恭資

令史怒

畫舸自南來羽騎從北臻衙門崇上官皇華喧使星高軒豎
大纛烏章爛織文儀牲酒醴羅玉帛交橫陳長跪前致詞鞠
躬申苦辛相知不在言何以睨中心綢繆有秘計畀爾色笑
迎幸逢官長意怕值令史墮需求百不稱阿堵雖傳神詬厲
當談笑直寸枉百尋南山有虎豹不比吏怒深還顧五斗粟
一飽捫心驚

翁

燧

字蒼牙號西帆歸安人康熙

高捷見山樓集序畧曰西帆幼有奇氣大志不欲以經
生老時流寇蜂起每過從信宿輒論古今英雄返危爲
安諸偉績不已卽朝
突難烟意常如也

遊東里石詩

歷岷而南不一里道傍多美樹秀竹清陰映帶意其中必有異而未嘗一至也癸卯春吾友吳子東里偕陳子聚正把臂入林林盡見石嶺側峯橫爲狀詭變吳子賞之甚指其最異者以已字字之爲詩示予騁遊目之曠懷極翫物之殊態予謂石卽奇何遽如詩人所稱道秋清寡營命屐采勝始得見所謂東里石者石之奇乃過於詩因喟然興慨茲石歷幾千百年僅爲樵人牧子所登陟一旦以吳子得名其亦有遇不遇哉彼窮崖層壑間如茲石而不遭東里其人固以湮沒無聞者何可勝數與同人賦詩記之

步出南郭門言尋東里石循蹊已數曲穿林非一碧儼幽蒼

蘇滑路轉烟霧隔凌險力已疲領異志方適窈窕峙雲根崢
嶸表山骨亘空旣殊狀參天復同脉陰峯花外倚陽崖松上
圻迢遞陟層岡登頓攀絕壁臺平肆停策徑仄艱駐屐直身
雲霞端側足虎豹窟俛視喬木秀仰眺寒泉滴晴雲高不卷
瑤草翠堪摘亭亭孤嶂遠杳杳重巒積朝登谷未曙西轡光
已夕忽歎神秀鍾亦喟時節易賞因靈跡超名用幽人錫振
衣陟山椒散髮臥林樾終焉此遊衍庶以慰岑寂

張聞鶴過五城田舍作

在昔懷田疇移家住斯里長日寡送迎衡門晝未啟故人偶
相存焉能不欣喜斟酌足笑言邛醪何必美起掇東籬英還
采寒田芑鄰舍散炊烟斜光衆山紫禾黍正離離溪流復瀾
瀾沮溺垂高風吾懷豈云已

孫太初墓下作

曉曉春色深
滴瀝露光泣
良辰幸多暇
佳境欣獨踐
峯迴映朱華
徑滑滋碧蘚
飛泉灑幽賞
停雲冒層巘
因想墓下人
薜衣恍在眼
志中匪滯淫
道合任舒卷
慨歎意莫窮
憑弔跡已緬
采蘭空延佇
攀林且游衍

沈貞女

貞女小字琴貞
西泠沈昂女與兄玉亮事後母以孝聞年十五字姚江陳琪待年四載及請期而婿死貞女默不言潛易縞衣久之媒妁屢來貞女聞之怏怏抱疾未幾增劇父兄問之淒然曰兒死矣幸毋燬我木兄玉亮曰妹果將同穴乎貞女曰是在父兄矣越數日卒時年二十有一同郡林璐爲之傳

盈盈西冷水遙接華山巖松栢枝相當好鳥比翼飛靜女何
瀏瀏蘭房長獨守苜蓿參差流許作姚江婦江水日以遠君
子逝不返孤鴻中夜鳴靜女中腸斷且亦以悲思夕亦以悲
思願作雙鴛鴦同穴永不離

華頂歌寄贈棲雲禪師隨本師報恩和尚應

召入京

師昔孤眠華頂峯日高不識長安鐘師今遠向長安去華頂
回看任何處華頂遙連白玉京石梁直上碧霄行窗中曉日
浮滄海檻外晴霞起赤城翠嶂嵯峨幾千丈下視浮雲自來
往懸燈杳杳星上明飛錫泠泠天半響一朝

金泥下九關紫衣使者臨空山旌旗翩翩擁法席袈裟咫尺
朝

天顏師亦追隨

雙鳳闕

玉殿清談猶未歇
竟無疎磬下雲煙
祇有驚猿叫林樾
君不見長安城中十丈塵
如龍之馬車
麟麟惟應華頂峯
頭月流照當年面壁人

送李南枝之新喻

論交今日誰知己
俊逸不羣人姓李
近爲吳下謫仙人
故是南岳隱君子
與君相見情最親
未見蚤知君盛名
衡對宇垂十載以膠投漆成一身
桁上無衣瓶粟絕
抱膝歌聲出金石
世間富貴且浮雲
吾輩肝腸定如雪
章江滾滾去不同
喬木故園安在哉
虛歸家鄰舊水驛
碧山夢到豫章臺
何知作客不稱意
雙槳迢迢渡江去
漢家勝地是宜春
吳人舊邑稱

新喻綠陰亭下水東流芳草山川亦壯遊已見雄文推幕下
還餘寶劍在牀頭黯然送子臨南浦眼中之人我與汝離尊
未盡白蘋洲孤帆已挂黃梅雨北風十月朔氣寒我亦策蹇
遊燕山相思相隔五千里關河遙望空長歎

客中九日

中天寒翠積層臺勝節登臨爽氣開碧海烽煙聞解甲黃花
朋舊對銜杯江空暮雨吹濤去日落秋聲擁樹來迢遞關河
歸未得北風新鴈首重回

江千秋夜

滄波幾曲抱江樓江上鴻聲繫客愁衆草不芳南浦夕清砧
自擣萬家秋霜空古木寒皆響月出明河澹欲流吾土言歸
定何日連宵鼙鼓惜淹留

述懷

疎放偏宜病與貧
亂離飄泊任風塵
九秋風月孤吟客
萬樹梅花獨飲人
白髮鏡中將老我
青山門外可畱賓
吹竽鼓瑟非同調
養鶴馴鷗寄此身

春日同吳蘭次僑天行吳秀方茅天石集太白亭分韻
風起高林日影翻
啼鶯喚客到仙源
獨尋芳草人何處
相對青山酒一尊
寒澗自鳴花徑杳
春雲不散竹房昏
江南遺逸今凋落
誰問龐公舊鹿門

贈李曉生少參

東方千騎擁寬旌
六郡諸侯負弩迎
都護舊持滇海節
外臺分治濟河兵
政餘綬帶看山色
酒罷題詩對月明
白草西風行獵去
翩翩珠勒度寒城

贈胡子懷太守

盛年出守自蓬萊七邑謳吟見治才到日風清茗水楫行春
花照峴山杯飛鴻靜對鳴琴過神雀高從臥閣來城上千峯
青不極好舉瑤草問蘇臺

徐逢吉

字紫山一字子寧號青藜老漁原名昌
藻字紫凝錢塘諸生著黃雪山房集

朱彭曰紫山少在詩毛雅黃稱其詩高逸可命古作者
遠遊四方足跡半天下與藥亭獨漉蒲衣輩相倡和詩
格益高晚年歸隱西湖學士巷屋前有古井井上銀杏
樹大數抱相傳為南宋時物每當霜風初厲落葉堆堦
遂名所居曰黃雪山房齋中一榻一几揮架皆書老人
以病足鍵戶不出未嘗輟丹黃暇即吟小詩或譜詩餘
以自遣客至據榻雄談
上下古今娓娓不倦

繫龍洲

挂席下蒼梧三江水漫漫雲林澹口色烟雨生秋寒巍然有
孤洲其象如龍蟠窈窕樓閣聳蒼翠芙蓉攢舉首回望之西

粵形勢單荷無此一柱何以砥狂瀾吾慮鼇力薄負荷爲所
難再令龍樓護始得盤石安將見斑竹枝俱成青琅玕從此
入東海高天掉紫鸞

七星巖

茲山信靈異烟彩逼霄漢紫纍七星似脉絡總聯貫蹇衣窮
海色側足踏天半穿雲岫轉遙入門路忽斷花覆玉女橋苔
繡仙人案金幢垂欲舉石乳滴將爛蒲草綠堪把丹爐火猶
爨別有深境杳恍若凌飛觀萬古陰陽雜一氣鴻濛判蠅蝸
洞底出雷文壁間玩疑通懸圃山直達芝田館攀躋夙所愛
奇險豈云憚福地吾當遊歲月誰能算

鎮海樓

南海有高樓照耀凌天衢大周來八荒海氣充四隅舉手折

若木放眼窮方壺欄楯百層遶丹漆何年塗此邦盛霸氣割
據雄規模往往自尊大不獨一老夫說者地使然其理誠有
無桓桓永嘉侯入粵專征誅相度陰陽勢柝此真鴻圖三城
不敢仰五嶺爲之孤紫雲與黃蓋遂令成荒蕪至今幾百年
安坐無憂虞我來秋氣清登眺萬象殊戈船跡縹緲銅柱功
模糊但見番船中時時來珊瑚我家藐何所回望楚與吳安
得乘黃鶴飄然此江湖

花田

南河多居民家家種花田其田廣千畝香氣成雲烟花房露
未濡花蕊如明珠大姑采不足小姑采有餘陌上同歸來裹
以紅羅襪今年采花女明年采花婦花落本無心人生易白
首

秋燈

大地人皆夢小窗燈獨明坐忘秋夜永照見一心清四壁來
霜氣高城聞柝聲餘光常不滅但覺曉涼生

南海雜詩

昔日五羊郡曾傳萬馬來龍髯攀不得虎旅至今哀白骨劉
銀墓青烽趙氏臺何從覓遺老灑淚遍蒿萊

向夕客心驚鯨魚跋浪鳴萬重雲出海一片月臨城鞍馬秋
將晚關河淚獨傾書生無燕領不敢復論兵

瘴海秋來後空庭葉落初淒迷常不散沾灑欲何如絕域雙
蓬鬢孤燈一卷書幸逢故人在此意共躊躇

蠻鳥苦頻啼經秋日易西潮回池水溢山壓草堂低白髮知
難免青吳未有梯雖然舌在何以報山妻

初春自古蕩至西溪花塢尋梅

雨過秦亭外人來古蕩西村醪斟白水春筍削黃泥老興猶
如此新詩漫與題尋香入東谷重把一筇攜

花源渺何所船進木橋頭翠竹家家密清溪細細流古香團
聚落新月小滄洲不借僧房宿蘆中一夕留

寄莫柳亭京江

雨雪經殘臘風光過一春極知能念我垂死復爲人遠道憑
書札微軀仗鬼神百年心事在聊以報情親

歲暮雜咏

大雪埋雙樹空樓罕四鄰可憐當歲暮猶有未歸人乞食知
君懶貽金愧我貧祇餘三尺劒千里好防身

寧都魏昭士寓湖上謀歸不得

有客厭城市移家向水村梅花深竹裏風雪小柴門惇樸還

虞夏勤勞長子孫卜鄰吾已決當與數晨昏

沈君雷臣
移家江村

送陸蘊思之豫章

一帆西向豫章游綠水茫茫不斷流七十二峯何處是芙蓉
吹落九江秋

徐

汾

字武令
仁和人

王子秋閨被放

荆山頻泣玉三十鬢成絲奉母貧無饌憐妻巧作炊虞卿書
懶著李廣數嫌奇隴畝如堪問春耕我不辭

弔吳梅邨先輩

東山零落後門外幾人過車馬有時散文章定不磨燕泥侵
塵少蛛網掛書多知己懷疇昔悲來且放歌

鍾淵映

字廣漢嘉興諸
生著信志堂詩

朱彝尊廣漢遺詩序畧曰廣漢在吾黨中年最少所爲詩文橫絕時人其詞駁援据古昔雖老儒鉅公莫能甄居恒遇人勝已者執禮甚恭不如已者或相對終日不與語以故鄉曲之士疾之然如予者去廣漢不及遠甚而與之交十年未見其低祇見其恭也

說鈴繆子野謂廣漢若不天則神懷散朗學又淹長在後進中吾未見其匹也
馬季詩繫廣漢爲欽立子少好學熟於諸史嘗謂五代史與通鑑間有異同而蜀韓杞杭南唐書之屬及時蒐采尚不下數十家取以爲五代史注庶有補于廣陵甫事編纂得嘔血疾後游京師與汪琬辨論累日竟投于寓
三十年

會稽山登眺

名山接靈境白石何磊磊天風吹我來蒼茫俯江海玉簡既不存金沙復誰采履徑草葺葺陟嶺雲颺颺高尋神禹跡其人邈千載明德無時虧茲山亦不改却望東海邊麻姑披五彩示我蝦蟇丸揮手遙相待隱約金銀臺神山隔塵靄凌風

不能飛相思擷蘭茝

五人墓前作

寒雲蔽吳闕朔風吹古路訪古登胥臺重經五人墓五人遺
墓臨江潯長松廣陌何陰陰我聞此事數十載只今過客猶
悲吟憶昔熹皇臨御年銀璫奄宦竊弄權吳中選君負時望
忽聞鉤黨來江邊連連緹騎下吳邑黃紙宣傳上官集邑令
惟思解綬亡督郵却抱微書泣繡衣中丞何揚揚金吾隸卒
盈華堂傳呼促索勢若虎觀者雲集如堵牆闔閭城中途路
塞中外洵洵動顏色五人偏袒左右呼錦衣隸卒皆驚墮直
道猶憐俠客存布衣不畏君王勅一朝就義何從容英魂長
傍要離側獨不聞烈皇御極雲霧開詔書褒忠天上來逆奄
祠宇已盡毀朱闥繡柱成寒灰惟餘此地長荊棘五人遺墓

猶能識白楊四野風蕭蕭過客登臨長太息

送友之湖南

迢遞天南路崎嶇阻客程朝雲神女廟秋雨夜郎城入暮悲
湘瑟維舟采杜蘅故鄉幾萬里悵望若爲情

送朱彝尊之永嘉

揮手去東甌春江綠水流山花開未盡二月下扁舟落日催
津鼓微風引翟輿謝公幽賞地羨爾得重游

送羅先生暫歸西川

白帝孤城落照懸鄉愁迢遞武功天將歸故國無鴻鴈行過
空山有杜鵑劍門風雲通五丈叩關烽火隔三川明年巫峽
生春水好上東吳萬里船

過宋御教場址是累朝觀潮處

兩浙華亭錄卷五

五

五

尙憶宸游處嚴城列會同觀濤臨曲水馳道擬回中翠蓋朝
承露芝旗曉引風言驅七萃士齊試六軍雄將帥咸思奮君
王自卽戎馮夷朝幕府羅剎蔽矇矓松下秦皇輦雲間夏后
宮瑞烟浮五色仙樂聽三終白馬來何疾吳兒技最工拔河
傳往事超距條乘空噴薄凌春雪佩氤接彩虹蜃樓從地湧
鮫市與天通雜奏魚龍戲仍論校獵功湖山方晏會襄漢已
交訌苑走胥臺鹿人悲朔塞鴻驚沙屯鏃騎高柳挂雕弓潮
汐還從北江流不向東御堤塵颿颿蹕路草芃芃漁父畱金
鑊征人走玉驄平生懷古意悽惻感飄蓬

送俞右吉游雲中

朔風從天來蕭蕭動百草高冠劒佩向我辭短衣匹馬邯鄲
道邯鄲西接居延川據鞍一望何茫然雲中自昔號雄郡祇

今寥落爲窮邊長城摧頽亦已久霸氣消沈復何有盛樂宮
前狐兔馳式靈臺下牛羊走夫君意氣真慨慷醜酒經過古
戰場不辭贈答如從事且喜發臨共侍郎代女如花年十五
歌君新曲爲君舞轉弦起彈白翎雀轅門月黑聞風雨客中
聽此君莫愁人生適意寧多求余亦明年走關塞相從飲獵
西山頭

送查容之楚

楚王宮北正懸軍十二樓臺隔暮雲何事花前頻送客如蓬
葉落定思君江關雪滿人千里大澤風高鴈幾羣想到湘南
明月夜泠泠鼓瑟不堪聞

徐

倬

字方虎號蘋村德清人康熙癸丑進士授
編修歷官至禮部侍郎著道貴堂類藁

浙江通志倬年十七遊會稽受知於倪文正公因謁劉
蕺山遂以正學爲依歸成進士授編修乞歸養者十年

主順天鄉試年已七十學老文鉅靈光巋然碑版之文
照燭四方嘗輯全唐詩錄進

呈

合之為費村集

湖州府志明季社事朋興爭欲引重倬取事徵逐講學
於荒山蒲浦之間從遊日衆迨成進士歸養服闋轉同

業尋致仕乙酉

翠華
欽賜

南巡雅正福在籍諸臣拔第一授禮部侍郎

額年九十卒

鬼亭詩話水繪園乃如臯冒巢民別墅一時名士咸偕
和其中徐方虎詩云人憐滄海遺民少話聽開元逸事

多極俯仰

流連之致

定香亭筆談唐人遠帆疑不勁句蘇子由水枕能令山
俯仰風船解與月徘徊句傳誦千古至

本

朝徐方虎少宗伯有舟中絕句云雪後微風捲浪遲緩
搖柔觸怕闌知舟中倦客問憑几不見舟移見岸移風

格正同而
體物逾妙

和陸麗京遊半月泉詩

莫惜一尊酒來遊半月泉寒花明斷碣老樹臥荒煙客滯臨

邛夜人思元祐年高陽好盡醉勿返子猷船

寄懷沈方平先生時令子仲舒永裕成進士歸省

故里風流一老存相逢令子問寒暄稔知漉酒巾猶濕且喜
看花眼未昏東觀人還紅藥署南陔天與白蘋村溪山畱待
余歸早共掬清泉弄月痕

送蔡友蘇之任西安廣文

江楓如火映離筵落葉分飛落照前對榻曾同中夜舞彈冠
盡在白頭年碧城滄海愁徐市清瑟朱琴老鄭虔別去相思
能記憶封題霜橘付吳船

題張帆山明府來青閣卽用來青二字爲韻

滿城山翠盡飛來窗戶須教四面開拂袖清風書自展鈎簾
明月鶴初迴樓居可信神仙好花樹還宜循吏栽見說官廚

塵在甌焚魚畱客且銜杯

芙蓉對插一峯青坐愛雲山戶不扃蒼弁浮嵐靄硯匣碧瀾
湧影入銀屏琴邊案牘花邊鳥几上煙霞枕上星鎮日風流
多勝事菱歌新唱出漁汀

道場山村卽事

門繫笭箬落葉沾飛飛黃雀下窺簾搗衣溪女憐修竹曝背
山翁坐矮簷香稻亂時知鹿過衰荷動處有魚潛南村北郭
堪行樂何用浮名苦滯淹

韓蘧廬同令嗣希一自爲映碧竹君登峴首予亦挈小

孫從游焉

君攜令子我攜孫一棹輕烟出郭門樹擁蜂腰藏廢寺苔荒
石齒露窪樽金絲玉勒誰家好青嶂丹崖幾老存鵲詠無從

漸少長山花山鳥助清言

汀洲杜若夕陽時水似清臚山鬪眉隋石盤陀閑繫馬濃陰
曲徑坐聽鷗客來盡說荆關畫我意還宜韋柳詩老易衰遲
春易去棟花風細鬢垂絲

同門李梅崖

基和

投詩次答

別動連年會亦頻會時一倍覺情親病夫進路先思退傲吏
還家不悔貧閣上巢痕還有在洞中碁局幾番新多君細數
同朝士繫齒雖存只半人

談未菴銓部惠烏鬚藥走筆謝之

妙藥封題百感生欲教鵠浴變烏黥拔心草已經霜萎半死
桐雖向日榮對鏡只愁衣失素逢人還恐面先頰休將混沌
蠟眉畫畱得天眞此數莖

官司業豐韻

相聚依然六館生
鬚飄如雪面如黥
餘年只合窮經老
聖世原多稽古榮
苜蓿冰盤燈影淡
雲雷石鼓蘚痕頽
橋門胥吏猶相識
笑指霜髭剩幾莖

邑侯馮陽長 卅寓齋話舊有感

細雨簾櫳濕
蒹葭綠簪燈重話
昔年遊芙蓉池上
黃花釀邑友蔡幼
躬善造子夜溪前青翰舟
今夕相看眞夢寐
何人還記舊風
菊酒流獨留白首青門客
尙對秋瓜識故侯

欵戶頻頻話亦恬
河陽勝事喜重拈
春風士女看挑菜
綠水人家問織簾
雲裏烟鬟雙髻好
泉埋明月兩頭纖
謂半昔遊
最是難忘處
花滿香臺雪滿檐
吉祥寺牡丹雪中放花公招客賦詩

已信看囊乏一錢
祇存五柳種門前去思
雖有桐鄉祝老計

難尋陽羨田金馬貴遊疎酒瓊琉璃佛火照愁眠歸袞如許
耽吟興尙買冰紈索短篇

閬中雜詠

柳綿吹遠思麥浪浣塵顏客有元龍傲吾如丁令還人能欺
白髮天不吝青山鷗鷺長相待飛飛雲水間

迦河道中

嶧山湖畔峭帆飛菰蔣萑蒲滿釣磯犍犢羣來知市近野鳬
浴久覺船稀攤書客倦烏皮几聽雨涼生白袷衣此去江淮
行不遠黃魚正美雪鱗肥

吳淞道中寄兒子元正

苦寒風所便吳船性尤悅茲行果何爲中情翻悵悵逢人顏
卽續吐詞舌先結顧影笑禿鷺舉步真跛鼈以此謀壯遊南

轅而北轍轉棹卽歸來不啻蛇赴穴帆飽十丈風舵穿千浪
雪路經釣臺灘三高片香爇汲井挈餅罌收書得虞揚詩歸元
隔舫聽孫孩喜若弄瓊瑛所憐骨肉親一半京華繼夢寐劇
笑嬉醒來轉鳴咽百年有幾何爾艾我將耄五畝卽已荒半
菽猶能啜何日龐居士團圞閉門闌眼前兒與孫世外莊與
列鼎養豈不豐我視猶一呷

湖上贈夏鹵均

青絲一騎出長安明聖湖頭把釣竿花柳坐催名士老湖山
約與酒人看好憑酬唱東西屋莫妒聲名大小冠昨夜新詩
欺白雪雪兒歌罷不勝寒

聽阿升夜誦

紙窗衙月半輪明街鼓夔夔近四更惱亂老人眠不得青燈

黃口讀書聲

蠶婦曲

蠶房新婦嬌紅玉，攜籠采桑拂青竹。
繡轡羅裙踏作泥，弱腕并刀切葉齊。
良夜香幃體不著，身在燈前蠶在箔。
戴勝纔啼又杜鵑，紙窗風暝正三眠。
意慵肩輦垂楊柳，欲撚青梅懶舉手。
鏡奩偷展暗咨嗟，眉黃不掃髻欹斜。
山頭繭白翁媼喜，小姑催入繰車裏。
千繰萬繰多苦辛，寸絲不挂蠶婦身。
低聲又約鄰家女，明日沙頭漂絮去。

采石磯謁李太白祠

曾過南池坐酒樓，芙蓉楊柳傲清秋。
今登采石江邊閣，鼙鼓龍吟天漠漠。
長江萬里來岷峨，洞庭木落水增波。
安得此江變清酒，看君細酌還高歌。
頗黎七寶殘安在，神鴉宰木空相

對松濤萬壑助陰魂
恠石盤陀猶醉態
山青牛渚羈棲處
畫幔靈旗杳神御
楓林夜半魂不來
江心想弄月華去

庚辰元日

傳家何物比青氈
百衲藍衫六十年

子於前庚辰入泮

我愛欲同千

佛拜人看不值一文錢
出門但覺多岐路
閉眼惟知守寸田
兒見白雲休悵望
白雲底下有頑仙

閔邸抄知小兒元正有

扈蹕之命且奉

旨許以水道先行省親

高厚之恩下及烏鳥
感激無地兼誌狂喜

溫室陳情淚幾行
赤墀

恩詔賜乘航滄江省舊皆

天卷

盛世臣工有父將烏鳥翻爲青鳥使皇華須帶白華香先從
雲裏傳南鴈自此人間重北堂舞袖朝衫齊整頓執爰負米
兩匆忙函關老子真難老楚國狂夫更欲狂鄰叟崇朝來叩
戶病妻五夜忽離牀搜羅甕底陳蝦菜乞索牆頭過酒漿破
屋三間新灑掃寒燈半穗覺輝煌紅綾口內雙牙豁白雪眉
間一點黃更有非常懽喜事桑榆復得覲

君王

口占

穿屋循牆鮐背翁高高下下側身通人間屈曲羊腸路盡在
蝸牛一室中

竹枝詞

青雀舫頭美少年
一生長愛對花眠
阿儂祇似衰荷葉
搖落西風不見蓮

坐段橋

寒蟲暖出游我亦負暄至
緩足沿湖堤十步九迴憩
黃葉樹如粧秋山雲愈媚
游魚聚空潭歸騎騁逸轡
羣類各有依孤客心何寄
悵焉成獨坐石梁對空翠

南雄卽事

劍客方葵扇
篙師漾翠衫
鳥同花躑躅
人盡燕呢喃
洛水無羅襪
吳船失錦帆
蓬舟如蚌蛤
枯後挂頭銜

爲昌辟疆題米畫石兼此寄懷

明燈蠟酒憶疇昔
別後風波同嘆喑
先生旣老我亦衰
那堪動作十年隔
邂逅卯君細問詢
爲言金盡貧苦劇
去年作客

茶莖灣淮南諸侯倒履烏千金購得米家山倒篋傾囊多不
惜鬱林輕舟春載還到家依然雙手赤門東叫飯兒何爲自
展袍笏笑啞啞君不見昭陽鮑觀學神仙飢來家人煮白石

無錫城外小泊

傍城三戶水雲間染盡烟霞與翠鬟人在釣船翻白紵客從
酒肆話青山秋花無主情偏媚汀鷺雖饑意自閑爲汲寒泉
呼舴艋綠蘿迷處不知還

舟中戲題

雪後微風捲浪遲緩搖柔櫓怕鷗知舟中倦客閒憑几不見
舟移見岸移

戊子元日

年八十五

年華休歎逝如斯叨忝天公詎不知四世兒孫齊抱棄

全唐詩

賜金九旬兄弟對舍館東南水利勤

背肝湖海煙濤入夢思身是綠蓑青笠叟菰蘆何策獻

形渾

胡會恩

字孟綸號蒼山德清人渭姪康熙丙辰進士

湖州府志會恩少從叔渭學具有淵源居官以勤慎稱

上問家世以高祖友信對

賜友信名文實政額奉之家廟遷葬其親遂及同父

弟四人并親屬十七棺一時入土人多義之

沈德潛曰司寇不以詩鳴然舍

宮咀商天然明麗其品自貴

惠山和唐王晦伯寶丹列朱遐景韻

擎舟指晴嵐松樾圍青蒼古塔峙雲杪排空瞰山堂連蜷九

龍脊峰勢如同翔琳宮雜紺碧掩映巖壑光雲根湛靈液漱

齒生甘香一歌滌煩襟萬慮從茲忘

有唐三處士卓犖風雅人詩傳千載後猶似溪山新埽石剔

苦蘇姓氏終不磷髯蘇有真賞愛其清出塵始知古人作健
筆凌蒼旻後來題壁者誰與數公鄰

客歲經此山逃暑息深樾暖泉試茗迴與世緣絕酒人適
天真禪侶談寂滅已潄衣上塵吏延松際月今我復登臨聯
袂高吟發昔賢邈何期吾儕庶同轍

江行得風戲爲長句

江行只趁風不愁江路遐朝泊板子磯孤舟依亂葭南薰當
面至捲岸如枯槎亭午天陰白日匿帆脚倏轉涼颿加解纜
衝波截江去十幅獵獵颿輪斜回看鵲尾矯空碧天門誅蕩
浮雲遮大通驛前忽放眼排列九朶青蓮華江山蟠結縵翠
滿天水晃閃翻朱霞蒼蒼秋浦渺煙際瞬息已過長風沙浴
鳬飛鷺驚不定黃蘗白葦紛無涯須臾星月照澄練汀洲歷

亂墮歸鴉四陸快萍夜將半枕畔始聽同驪搗皖城戍樓鼓
亦動沈沈漏點飛檐牙城下旌竿立如薺西來阻棹聞咨嗟
我日沂江三百里僮僕拍手長年譁裂錢灑酒禱明日汝曹
結願何其奢南舟風便北舟苦世上疾走休驚誇吾行汎梗
無遲速慚愧江神用意賒

天門山

絕壁東西峙雙峯踞上游神工擘山骨天意束江流風落烟
中艇雲橫石角樓怒濤從此過直下海門秋

舟過邗江丁蘭皋出新詩見示賦贈

片帆長夏入維揚卽友新詩送夕涼六月手披冰雪卷半江
風散菱荷香竹西歌吹畱吟席花下琴樽列講堂誰道鄭虔
官獨冷縹緲玉軸字珠璣

珠江雜詠

我愛珠江好風光入嶺偏帆飛蚪蚪水杖倚鷗鵠天穗石仙
蹤古花田粉澤妍扶胥望不極身在海雲邊

我愛珠江好天南接大洋山家嶮壁峙海市驚帆揚酒雜檳
榔醉茶勻茉莉香最宜新雨後炎暑變清涼

我愛珠江好駢羅雜卉多叢篁迷澀勒異果熟波羅火米生
黎貢蕉紉細馬馱木蘭新艇子溪女唱蠻歌

我愛珠江好清娛事事幽名香散東莞佳硯採端州水驛梅
花晚山村荔子秋比來解蠻語倚樹聽鈞鞀

沈三曾

字允斌號懷庭歸安人康熙丙辰進士授編修擢贊善著賜書堂集

湖州府志三曾分校禮閣居官恭謹恬退不妄交一人官贊善後丁艱歸康熙四十四年

南巡

命在籍詞臣校勘全唐詩於揚州三曾與焉在籍食俸林居

十餘年經歲不入城市敦本睦族課子訓
以詩書卽臧獲俱守家法人稱懷庭先生

宣城浮圖望敬亭山

欲攀千仞上忽覩一峯迎勝地仙曾到驚人句自生天低雲
變態樹靜鳥無聲相望不相卽臨風移我情

江行過池陽

巨艦人千里孤城水一方鮫宮盤郡郭雉堞枕滄浪塔影中
流白人烟落日黃九華遙望處雲霧更茫茫

按香山詩有作

不圖諧夙好恰對白公詩老嫗雖能解才人或未知情真藏
鍛鍊平淡得神奇坐臥此一卷編摩敢告疲

退谷亭

誰將茅榭結雲根謝傅東山舊有村

謂孫北海先生

怪石如牙支客

展兩峯列戟夾柴門孤亭好放寥天鶴幽澗曾浮曲水尊竹
嶼藥欄憑眺久風流長往不堪論

西溪探梅二首

玉壺攜酒勝遊初引入幽溪路轉紆曲岸頻迷青雀舫春山
深護白雲居香飄東閣詩堪繼人到西園畫不如日華林
謀卜夜醉來高枕信吾廬

雨餘別館值芳辰天與吾徒訪隱淪高士情懷千頃雪美人
心事一年春從教姓字傳香國莫使亭臺掩水濱珍重東君
畱我意飛花故繞畫筵頻

高士奇

字澹人號江村錢塘籍
平湖人以諸生入都

召試第一

內廷供奉授內閣中書舍人擢翰林院侍講累官禮部侍
郎兼學士

謚文恪

本朝名家詩鈔小傳文恪自少好學能文家貧年十九之

京師以諸生就京闈試不利落魄羈窮賣文自給新歲

聖祖所見立為人書春帖子往往自作聯句偶為

召見旬日之間三試皆第一於是簡入

內廷供奉旋擢中書歷侍講升少詹柏梁侍宴天祿校書

上未嘗不稱善公素謹慎口不言溫室樹徒以不由科目驟

致通顯朝士側目會以蜚語放歸田里越五年復以原

寵榮之逾分致謝表有云嫫

曲護孤根得遂歸田之願終收微履俾抒望

闕之誠由中之言知非強設矣久之以母老陳情卒獲初

衣之請又數年乃卒所為詩諸體具備豐而不失之靡

約而不失之促和平爾雅而不為鉤章鍊句之習所謂

和聲而鳴

國家之盛者雲蒸龍變微斯人吾誰與歸
吳越所見書畫錄高文恪號江村自號竹窗康熙壬申
臘之廿五日觀馬文璧幽居圖和錢曲江韻題一絕云
不撫瑤琴不奕碁晴窗暗覺斗星移出門無侶居無伴
劉尾開題歲晚詩欵云竹窗高士奇然他處不多見
錢仁榮曰宮詹先世餘姚人初補杭州府學生員係籍
錢塘今敬遵

大清一統志作平湖人出入禁閤二十餘年于冊府圖書編摩最富善鍾王小楷精賞鑒詩工應制體著有扈

駕隨

輦苑西歸

田等集

題盧徵君嵩山草堂圖 并序

盧徵君草堂圖卷余向在京邸見之圖凡十幅自書并歌字法遒緊其畫巖壑幽邃樹木沈鬱非唐人不辦五代楊少師宋周益公皆有題識二十年來常縈夢想歸田後得馮氏舊圖於平湖之北翠竹蒼柯清流環匝坐臥其間足以怡老甲戌秋復蒙

召入都此卷竟爲我有退食閉門時一臥遊尚懷高世之踪益動故園之念率成長句

神髻在水不入簪仙禽在野不受籠達人泥土視軒冕林巒

刻跡偕洪濛嵩山徵君巢許蹤高柯百尺龍門桐召拜諫官
臥不起草堂僻逕臨龍嵒巖姿壑籟有神會自寫不假丹青
工墨痕迴出濃淡外絕境直與虛無通手書十志字遒勁藤
枝薤葉紛相蒙在昔右丞妙詩畫輞川舊本畱清風徵君絕
藝亦兼擅藍田少室將無同宏農好古愜真賞跋尾小印蟠
絲紅筆法獨啟元祐派胚渾坡老兼涪翁開運下迄淳熙代
五閔丁未雲流空神物不隨陵谷變以之嗟感周益公慶元
到今復幾世暗中呵護煩藉寫五代楊少師疑式跋中止書
丁未歲前七月宋周益公必
大跋以爲丁未乃石晉開運四年是歲漢祖起於太原復稱
天福七年又開七月故曰前七月自開運丁未至宋淳熙已
歷五丁未周益公跋於慶黯然之光久愈發何啻寶玉搖晴
虹我在修門昔曾見愛此疊巘藏玲瓏歸田五載親抱甕柘
湖拓地芟蒿蓬石廊洞戶頗幽雅十指媿未嫻絨烘重來那

免猿鶴怨故園青碧辜芳叢雲烟一卷快入手槐根欹枕遊
高嵩

送張仲張

水國芙蓉幾日秋羨君歸興滿滄洲閒園修竹開三徑小閣
清漪啄四愁白壁投人悲按劍黃金結客倦鳴騶冥鴻自有
圖南翼未合終身狎野鷗

昌巢民年八十寓書索詩兼以字卷及金少書畫冊見
寄

甘陵南北昔紛綸模楷爭看塾角巾周黨二徵堅閉戶桓譚
萬卷鎮隨身花間置驛金爲薄竹裏聞歌玉照人老去更誰
論往事一竿風月臥江春

西隄偶得小舟泛玉泉山下

麥莊橋下草萋萋裂帛湖荒路欲迷石間疎花綠岸出水侵
臥柳拂船低親人魚鳥忘機久揖客峰巒入望齊日暮扣舷

歌一曲清尊他日許重攜

陳奕禧字謙六又字子文號香泉海寧人由貢生官安邑

堂集虞

洲集

居易錄門人陳奕禧子文善為詩尤工鍾王書法以太

學上舍仕為安邑丞著阜蘭載筆益州于役記十餘卷

詩格尤進如斜日一川秋水北秋

山萬點益門西之句不媿古人

漁洋詩話陳子文書專法晉人於秦漢唐宋以來金石

文字收弄尤富皆為題跋辨證詩十餘卷如斜日一川

秋水北秋山萬點益門西未入蜀者不知其寫景之妙

視唐人僧尋野渡歸吳獄鴈帶斜陽入渭城不啻過之

以戶部郎出知石阡府補任南安卒於官妙蹟永絕清

詩零落生平與蕭叔吳天章最善今先後下世矣子文

辛蔣靜山仁錫哭之云已匹飛鳥驚虹蹟又失跡

崎歷落人余方欲作哀輓見靜山詩遂為閑筆

見聞隨錄陳香泉工書法授安邑丞遷知澤澤縣其在

京師口有陸集亦以書法名同里尊行也香泉贈詩曰

借問如何是
詩自晉王侯
乳阮亭笑曰
詩問撥鈴法
蓮坡詩評海
高有潮聯阻
瀕風味不讓
章建安體憐
俞寶華曰陳
香泉因自號
之曰供子一
家安邑丞歷
之以補情倅
州春傷秋雨
寶雞道中

借問如何是
詩自晉王侯
乳阮亭笑曰
詩問撥鈴法
蓮坡詩評海
高有潮聯阻
瀕風味不讓
章建安體憐
俞寶華曰陳
香泉因自號
之曰供子一
家安邑丞歷
之以補情倅
州春傷秋雨
寶雞道中

今古操持事不齊
絲綸何暇問磻溪
兩岐山老飛丹鳳
陳坂

臺高去碧雞斜日
一川汧水北秋峯
萬點益門西遊人
縱目

無聊極况有哀猿
傍夜啼

泗縣道中

南程秋老未知霜
碧草平蕪近河陽
百里山川雲入畫
幾家籬落竹爲牆
充腸秔稻炊香飯
消渴村柑解綠囊
日日但能如此地
西征也不厭民羌

閩中感興

閩中非昔勝
惆悵莫開襟
巴樹方冬變
江雲帶瘴深
有山皆鳥道
無處不猿吟
萬里成都客
天寒慕錦衾

湘妃廟

疑水疑峯近此洲
蕭蕭斑竹點模糊
空山獨拜黃陵廟
花落春風啼鷓鴣

貴定縣候三兄至言懷

親承

聖語出天除
相晤蠻鄉萬里初
老去弟兄尤愛惜
近來精力

復何如邊陲付託

恩原重教養經營學有餘雖是與兄粗計畫見聞到底愧迂疎

豐勞旌節赴南荒便趣舟車辦遠裘想卜勾吳三畝宅預儲負郭一年糧遠人志在營先隴久客身思返故鄉三十餘年心事慳勝他爲政說農黃

陳

訐字言揚號宋齋海寧歲貢生官溫州訓導著時川集并勾股述勾股引蒙

寄洪昉思都門

我憶長安客飄零寄此身賣文供贄酒旅食轉依人八口家仍累雙親老更貧多年遙負米辛苦踏京塵

曇花雨中看瀑布

雨阻曇花且看山跳珠濺沫媚烟鬟耳根異響心逾靜眼界

奇忙意轉開遍嶺間雲蒼狗幻層霄絕澗白虹彎莫愁暫滯
羈行屬留客天緣或未慳

陸繁昭字拒石號霞胡仁和人

黃模曰先生為前明行人配庭先生子鯤庭列節橫山
先生窮居著書與叔梯霞偕隱河洛俱以孝義為鄉里
表率文章尤善駢體得其講畫名家者如章藻功及弟
仲昭此外亦指不勝屈王丹麓今世說云拒石年十五
作春郊賦詞藻流美筆不停輟其伯麗京云王筠芍藥
蓮其敏正平鸚鵡讓其工著善卷堂四十六卷行世詩
亦豪華精整有善卷堂詩文集十二卷
拒石子二十卷小賦雜著詩續各二卷

金沙灘

步履金沙渡朝陽出翠微鹿眠芳草石人上釣魚磯松子山
僧飯蓮花處士衣林泉雖可樂吾意敢忘機

駱鳴雅詩

南樓乘興日東郭放花初細草斜通徑新池別種魚開樽盈

魯酒下箸有園蔬何必求軒冕平生樂荷鋤

小隱歸山去秋風一草堂雙流溪水白十里暮雲黃松鼠穿
蘿徑山雞上石牀何須彭澤令到處是柴桑

登宜樓贈孟上人

孟公新築小橋西盡棟朱樓曉霧迷龍樹談經花滿席虎溪
送客草侵堤夜持半偈神燈亂春轉晴谿杜宇啼虛擬捨舟
歸洞口漫從支遁學山棲

孫

琮字執升號寒巢嘉善人
著山曉閣詩十二卷

魏坤山曉閣詩序畧曰吾友孫寒巢先生家清風經所
居有老梧兩樹構一小閣名曰山曉坐臥其中藏書于
卷手自抄閱平生尤喜山水扁舟往來吳越間凡佳山
水及精廬名剎一一見諸詩大抵從禪理悟入而又得
山川之助故能絕去筆墨畦町初集不下千首為松陵
顧茂倫徵選

國

朝英華後十數年復成兩
集今所存纔十之二三耳

南野堂筆記魏塘孫寒巢七言絕句如聞姜西溟云十年痛我無親養不畜茅容舊日雞衫青閣落帆亭曉發云舟子喜乘風色順挂帆却在落帆亭月夜登山山雨雲亭云偏是山亭知客意今宵雨月不雨雲都是性坎流出鈍根人不能道又五言古詩拜方正學先生祠一聯云臣甘十族誅君忍一字篡鐵案不磨

舟過蘆墟遇雨

蘆墟鄰震澤水勢入秋大扁舟東南來雲陰滿湖播湖風午後作浪碎蘋花破微雨篷上鳴孤客篷下坐青山點點無白鳥雙雙過愁絕舟子歌獨唱無人和

由皐亭諸峯尋黃鶴峯

夜宿龍居塢曉尋黃鶴峯旭光蕩叢薄涼颼如初冬路由滑石嶺支身藉危筇初峯驚翠屏粲粲青芙蓉玉屏相對峙澹泊秋雲籠獅峯亦雄俊毛綠拳蒙茸嶺絕一峯秀黃鶴呈奇容勢欲摩青天翔翔先鸞龍隨仙游八極歸棲碧山重骨

黃石化羽豈黃金鎔我慕臯亭山黃鶴情尤鍾茲來一登眺
翩翩興何濃昔年王叔明茲山寄遐蹤以筆代樵斧畫山盡
千松至今尺幅上古法人獨宗高人不可作幽感空填胸悲
風萬壑來飛激泉落落野鹿落澗走老僧披雲逢笑指佛日
寺頂琅響齋鐘

葺屋畢有作

我屋苦不多乃是先世遺賴此貯琴籍八口情怡怡一夕大
風至雨電驚交馳溪水乘勢溢沙岸皆崩移瓦飛若石燕壁
破門難支庭木拔幾盡圓竹無畱枝歎息杜少陵何處吟新
詩詰朝良友過爲嫌太傾欹極知君坐貧修治安可遲慨然
借僮僕諸費亦如之麤理讀書室繼編栽花籬拮据不終日
頗頗仍前規夜竟眠屋漏晝斷行路窺但恨所植樹僅與肩

兩浙輶軒錄

卷五

孫琬

卑

相隨牕中人老矣，偃蓋知何時。回頭語兒孫，且進酒一卮。

園中喜花木重植

小園綠溪邊，花木頗云盛。紅白掩映間，高亞交相竝。海上暴風來，片夕不留臘。幸存一蒼松，所賴蚪枝勁。卓立草堂前，未減吟詩興。有客居銅坑，訪我過荒徑。贈我花數種，不止梅與杏。位置俱得宜，較前翻覺勝。庶幾亭榭旁，方與湖石稱。

曉別顯聖泛若耶溪尋雲門廣孝二寺

五雲山裏寺，顯聖居第一。昨夜因雨畱，禪老吟共室。侵晨山已晴，照日松還濕。翹首若耶溪，別僧杖藜出。溪光鏡面清，谿口巖花密。沈沈綠樹中，悠悠泛舟入。片帆信樵風，孤煙上漁笠。波濤時動搖，峯影不得直。溯洄三十里，溪盡石瀨急。遠聞雲門鐘，廣孝亦可卽。幽意滿雲林，蕩漾安有極。

遊陽明洞

居恒讀道書知有陽明洞洞在射的山僊靈往來衆意行偶
得之遊目快一縱松杉日隱藏崖嶂雲輕弄愕然層巔下忽
開巨石甕蒼鬱洞口藤蛇龍伏不動但宜俯首窺那許躡飛
輕怪壁鼠颺颺神泉流石縫乍到衣履寒深入毛骨凍昔登
縹緲羣林屋秋風送宵渺歎奇觀茲遊絕可共我將久棲此
黃庭心默誦九轉大還成身駕青冥鳳

同務本上人遊雪竇山

微雨曉來霽隨僧遊雪竇山廣二十里梵剎臨險構峻嶒石
徑危寸步勞靈壽落澗泉淙淙聲如金石奏林名愛含珠草
木皆奇秀山桃花已殘綠陰掩清晝插天千丈巖可望不可
就我生無百年一失那能救午腸漸欲飢僧盃乞餘糧日斜

兩浙輶軒錄

卷五

孫琮

望

始下山白雲攜滿袖

寧海拜方正學先生祠

建文遜國初死節公獨慘臣甘十族誅君忍一字篡吁嗟姚
斯道密奏皆虛誕既知讀書種法亦當輕譴如何被戮時酷
更連親串居常誦遺編斷斷齒欲斷幸從公里遊入祠悚所
見空壁氣蕭森白日光淒涼瞻拜神肅然座像目如電英爽
三百年天地色猶變骨肉血淋漓肝膽如鑛鍊大笑燕王愚
忠義作讐怨公已如此死何況諸貞彥

浴佛日同陳一息飯僧華頂峯

台山多高峯高絕更華頂崔嵬不易攀斗然天外挺偃佛或
來遊世人那容騁更聞多高僧結茅此中屏寒暑坐峯旁緇
斷無從請問道羨陳君根器出夙秉挈我入台山徧觀諸刹

景華頂尤注心陡上力何猛羣峯悉在下俯視可一哂偶逢
浴佛辰復爾登靈境歡喜肯虛還爲衆設果餅峯頂一聲鐘
瓢鉢集俄頃豈無應真來俗眼未之省倚杖白雲前斜照山
光暝回首拜經臺風吹笠檐冷

由方廣寺過曇華亭觀石梁

異境尋石梁援扳先方廣寺藏翠靄中梁駕洪濤上危嶺踏
寒楓重疊出灌莽聳身入孤亭曇華落我掌俯檻窺石梁長
鯨驚十丈跨澗色青蒼勢逐雲飄蕩雙瀑懸崖來滾滾梁底
響飛步思一登苔滑未能往

青楓嶺弔王貞婦

嘗讀南渡史扼腕祥興末帝船去厓山浙閩俱覆沒元兵入
台州沿途肆殺奪金帛無留遺子女咸搜括傷哉王貞婦隨

衆不能脫搶地呼蒼天夫死安敢活主將豔色殊防守嚴邏卒遠攜來嶮縣青楓嶺道歇視者意少弛潛步出林窟四顧盡高山旁有壁如褐撫壁一長號玉指口忽齧以指代寸管淋漓血不竭先畱已姓名次紀死月日書畢卽投崖身碎魂怡悅至今陰雨天字蹟猶突兀我懷文文山斯時亦被執九死心靡他凜然同一轍千秋柴市歌萬世楓嶺血

大遮山東明寺觀牡丹花寺爲明建文遜跡地客有進花一枝者插地遂活今猶繁盛云

讀史至建文太息難終卷天子披袈裟亘古未嘗見吳楚滇蜀間山川遊歷徧懷哉大遮山春日曾依戀野客獻名花水餅供清宴殘枝偶插地根長知天眷至今三百年紅芳猶滿院我來爲尋花兼訪無塵殿殿中遺像存感慨還欣美家國

有衰興香火無更變回憶壽王亭老淚花飛濺

遊林屋洞

侵晨離石公傍午得林屋天風吹我衣山雲衛我足送我入
洞天採取琅函讀始進尙虛明稍深漸幽顯丹砂萬古紅藥
草千年綠巉巖石倒垂直立礙巾幅靈境深入奇焉敢生退
縮先之以偃僂繼之以匍匐非攜松炬來黯黯何由燭險澀
百步餘高爽忽豁目牀几皆天成坐臥隨所欲掬飲泉似漿
采喫芝如玉繞壁仙鼠多見人不飛逐別洞通諸天牢扃隔
凡俗我本洞中真姓氏在元籙久謫落塵網世緣空碌碌到
此欲忘歸同遊勿催促儼然洞門開鸞鶴客一囑

姜西溟北歸相值吳門卽送其還四明

憶昔南湖杯酒歇秋風秋雨人離別依稀光景二十年嘯吟

夢斷吳山月。今春訪舊來。虎邱偶到閭門一泊舟。城門黃酒
逢江子。執手驚看雪滿頭。雪滿頭。分猶未苦。聞說朝趨丞相
府。可憐燕許廟廊才。索米長安望。烟火相君罷。政賓客散客
亦南歸。返鄉縣。春風茂苑喜重逢。殷勤話舊堪三歎。勸君不
如歸。故山讀書依舊掩柴關。風塵幾許紛華子。轉眼亦復非
朱顏。嗟我年華過半百。詩酒溪山還莫逆。四明山水自君家。
恨不相隨挂帆席。

天柱峯看月歌

青天擲下一玉環。挂向天柱峯之巔。我來登眺欲拾取。豈知
尙與峯相懸。舉頭看月仍在天。山高月小理或然。譬如高士
品孤介。令人可望不可緣。人言茲峯高萬丈。四時月色同秋
妍。月意似亦念幽客。終夜不遣纖雲纏。瀛洲蓬萊千島嶼。俛

視但見青蒼烟恨不更高萬萬丈瓊臺玉宇放眼前羽衣僊
人攜素手流霞飲我顏常鮮安能悠悠忽忽老塵世長年對
月悲華顛

夜泊北關畱別王丹麓

江關清角動孤客此停櫂殘葉飛官渡疎燈散市橋話長林
日短夢近草堂遙知有懷人勾離魂不可招

淮陰旅興

風雪淮陰路言歸未有期老矜爲客健貧不畏人知屢過黃
公廟誰尋漂母祠袖中書尙在莫歎鬢如絲

秋夜宿包山寺空翠閣

流泉聲過處山閣翠重重夜冷風欺幔雲開月墮松佛龕燒
夜燭客枕臥秋鐘占斷清虛夢神仙定可逢

曉雨發許墅關

客夢雞聲斷晨開許墅舟
囊空關吏笑雨急榜人愁
柏葉紅墟落蘋花白清洲
望亭欣在眼沽酒暫時留

青山拜李翰林墓

千古風騷客惟公興獨豪
紫鯨騎夜月黃土掩宮袍
供奉名何補清平調自高
九原如可作斗酒看揮毫

拜賈浪仙墓

古墓一憑弔詞人能識無
終爲窮主簿寧作老浮屠
骨朽誰相惜詩傳自足娛
所欣同李白先後葬當塗

盛宜山見寄手定林和靖雪嶠詩合集

校閱心良苦知挑幾夜燈
前身應是鶴今世復如僧
寒月移松頂秋泉滴石層
野人情已冷更入滿懷冰

人代分明宋詩清類一家千言千佛偈一字一梅花衣拂高僧峻山亭處士嘉天然成合璧老手肯容差

周青士客死淮陰

從古知名士相傳客死多風霜身老大溫飽事蹉跎世路誰安命詩人定折磨遙憐淮上月夜魄尙吟哦名利何關汝無端死異鄉路人看易簣孤僕守行囊時日知非確儀容憶未忘終持一杯酒東望哭蒼茫

德清徐梅莊見寄月泉吟社詩

遠隔蒼南水新詩屢屢傳月泉清似昔吟社盛於前勝友三秋夢名山一笑緣白蘋風動處候我放漁船

新夏吳門尋黃九煙前輩不值

西湖悵別憶初春吳苑相尋夏復新橋畔但存春米屋樹陰

不見鍛鼎人嚶嚶空聽林中羽
潏潏難逢水上鱗
恐似幼安
遼海去羞將阜帽落風塵

生日自遣

三間草閣傍松厓
晨夕盤桓興自佳
花鳥有情留我輩
琴尊無恙趁人懷
青鞵溪客閒能過
白髮山妻隱可偕
荷鍾劉郎還未達
不知死後望誰埋

吳竹洲黃葉村

高人卜築愛江鄉
况復深秋木葉黃
曾爲賓朋開竹徑
故依圖畫結茅堂
鴉歸烟浦林收雨
水落溪橋草著霜
記得扁舟坡老句
微吟幾度送斜陽

方文虎客死哭之以詩

青衫閱歷世途艱
早歲先愁鬢已斑
吳苑伯鸞終死客
耒陽

子美望生還孤魂別作他鄉夢傲骨誰埋故里山我亦風塵
奔走倦不堪涕泗爲君潸

會稽方文虎慈溪姜西溟渡江見訪盛稱越中山水之
勝相約同遊忽忽不果別後西溟久羈京洛文虎不
可復作矣感賦

名山有約共相尋太息存亡歲月深自是求羊難再面非關
禽向負初心琴聲入夢經風斷蟲語如愁帶雨沈一夜西窗
孤枕上新詩凄絕不堪聞

濠股塢院向爲余棲息地不到幾三十年辛未春夜訪
盛宜山維舟於此楷亭相留話舊率成一律

春月微茫客繫船認來塢院舊松前欲尋老友新詩讀先借
高僧半榻眠少壯已拋經世志衰遲惟結住山緣閒將三十

年間事話盡殘燈一慨然

西姜西溟

共坐山窗聽鳥啼
午窗相對祇寒螿
十年痛我無親養
不畜茅容舊日雞

讀王臨川集

叅政詩文出緒餘
累朝制度盡更除
直臣貶逐生民困
正坐先生肯讀書

杉青堰落帆亭曉發

蕭蕭古堰問杉青
渺渺寒波浸曉星
舟子喜乘風色順
挂帆却在落帆亭

月夜登金山留雲亭

江濤卷雪鴈成羣
獨立秋風那可聞
偏是山亭知客意
今宵

閨月不畱雲

吳之振

字孟舉號黃葉村農石門人貢生授中書著宋

國朝詩

詩鈔一百六卷黃葉村莊詩集八卷續集二卷

莊詩集

景宋人五言古體黃河夫篇直追少陵矣近

體工寫

景七言絕句尤足自張一軍

課蠶詞

十六首

浙江採

集遺書總錄吳之振勇于爲善居鄉多義舉能

詩工書

宋代詩前此無選之振刻宋詩鈔凡百家家各

一卷沈

德潛稱

其詩亦

近宋人

朱文藻

曰吳之振所纂宋詩鈔一百六卷謹案

欽定四

庫全書已著錄提要稱其採掇英華刪除冗贅各以

小傳冠

集首畧如中州集之例而品評考證

其又加

詳又黃葉村莊詩集十卷列入存目

道旁見新綠

風雨連宵妬病身纔舒青眼到江湄偶從堤畔驚新綠却向

東風識故人茅簷橫斜園土垠燒痕依約沒車輪歸期數徧

江南北花發酴醾已殷春

兩浙輶軒錄

卷五

吳之振

畢

課蠶詞

孤虛旺相驗蠶符浴種還嫌風色粗記取東南蠶室利今年

把火是三姑

術家先期送蠶符有大姑二姑三姑把蠶之別爲豐儉之驗

火盆低簇半溫涼晴日融和煖透窗舍下秀才蒙上考頒來

官紙白如霜

俗以官給紙糊窗蠶必大利

芹菜泥乾燕乳兒鯉魚風動柳飛絲交交繞屋啼桑扈正是

吳蠶出火時

蠶三眠須涼爽夫火盆故俗名三眠爲出火

送少逸

幾載不相見相看倍黯然人情憐舊雨天氣入新年白髮殘

燈裏清樽古驛前計程翻日記重爲老夫傳

送友人歸越中

片帆來去浙西東路隔寒江烟水道紅樹已殘秋色裏蹙驢

應踏亂山中頭顱可贈非豪俠筋骨猶堅耐老窮日落孤城
聲鼓急星移杓斗建奇功

題如此江山圖

今年醪錢作重九相約題詩窮好醜君公不畏雨與風著屐
衝泥從飲酒長魚斫鱸銀絲飛笋鞭脫殼和青韭黃雞紫蟹
堆滿盤缸面新篳傾五斗黃子酒闌出畫圖裴黃妙手天下
無金粟箋標雙玉軸吳綾蜀錦重摩挲開卷烟嵐驚戶牖重
岡疊嶂相委蛇河陽劈斧營邱樹磬頭細碎填青螺山陽亭
子小如笠四面闌干來曲屈中有高人載酒過停車立馬松
衫側紫衣紗帽雜黃冠杖屨紛然難物色卷端題字紫芝生
鵲頭小篆何精明匡廬道士山中去從此人間無姓名展卷
未完寒具設僂眼如花心欲折軒窗四面秋風來階前亂舞

杪羅葉江山總作烟雲觀
翻跋尾勞唇舌宋人遺墨
元人題王孫玉樹長萋萋
吾儕賦詩看畫亦不惡
丁香閣內夜半鵲鵲啼

疊韻送葉星期歲暮還山

空山鸞嘯激清音
壑斷雲連咫尺尋
老去貧交難聚首
眼前生客怕輸心
長鑱剷處霜苗短
柔櫓聲中落葉深
萬頃菰蘆堆碧海
星星漁火入香林

送黃晦木東歸

收拾吳頭越尾魂
一肩襤被返柴門
山深木客通名字
日暖慈姑種子孫
老屋漏添新篆跡
桃花水長舊江痕
白沙翠竹縈紆處
指點黃公賣酒村

挂劍臺

取子義必當分析差秋毫季子輕祿位詎獨名節高至其所
重時一劍如一國死生隔黃壤然諾鑄胸臆嗤彼踞涼子簞
豆露顏色

次韻贈筠士上人

君方勤白業我亦辦青嶽樹色入秋老山容得雨佳新詩剛
慰眼奇石恰盈懷風急放船好琳琅在舫齋

送靜遠之江山

西疇學圃歎年窮夜驗星河日驗虹杭稻芒垂黃雀雨芙蓉
花老鯉魚風較量身事嗟余晚約畧心期與子同安得招他
查十八酒邊按拍對盞紅

茹

鉉字仔蒼山陰人康熙
甲辰進士官知縣

元夕後送王介清出都

客裏愁聞別斯人又賦歸莫看官道柳同惜渭城杯野徑飛
嚴雪天街落早梅寸心言不盡班馬幾聲催

謝兆昌

字瞻在定海人康熙丁未進士選庶吉士擢河南道御史巡視長蘆鹽政著閒居集

袁鈞曰兆昌于長蘆巡鹽時恤商剔弊前後章疏數十上以病乞歸

卽事有感

已遂歸來願兼全寵辱身鶴鸞非舊侶魚鳥自親人脫粟甘
貧賤烹葵洽隱淪梅花如有意相待故園春

汪以澄

字致遠號劬菴歸安人康熙壬子舉人由中書歷官刑部郎中

張鑑曰以澄原籍休寧以商籍居浙中家故饒富樂施舍人多稱長者

駕幸闕里釋奠恭紀

廟貌昌平舊衣冠闕里藏靈旌侵曉色

仙仗駐東方瑞藹尼山秀源流泗水長

興朝崇典禮師表有餘芳

潘 崧 昌化人康熙壬子武榜副車從平耿逆論功授都司

宿白水蘭若

自入烟霞路煩襟分外清疎林邀月影寒澗雜蛩聲山靜梵
初歇心閒境轉平欲將慧業意從此證無生

謝子道

字敏公鄞人康熙癸丑進士選庶吉士改刑部主事進員外郎遷戶部郎中出爲雲南提學

袁鈞曰子道初視學雲南而滇以喪亂之後士多失學于道脫畧咸儀相視如師弟子至途次有擁輿問業者永昌衛官嘗與諸生爲難于道廉知其冤爲黜衛官而伸諸生滇之士翕然稱之

過高密

秋風瀟水渡秋色節泉香策馬已千里懷人各一方市深平
仲宅草沒鄭公鄉欲弔龔沙處洪波正渺茫

閔

聲 字毅夫號雪蓑烏里諸生著必菴集

兩浙輶軒錄

卷五

謝兆昌王益清松謝子道問聲

李

張鑑曰聲少與同部濟曾紘督學中州議拔寒賤甚多
監司慕而請見心憫其窮不敢發言及去歎曰現玉秋
霜不意藏蘆中有斯人後以莊氏史案下獄年餘
始解貧益甚而踵門求書及篆刻者未嘗絕也

題高節寒香圖

寶婺之耀光陸離挺爲冰霜夫何疑紫雲如電懸高曦幽香
勁節世所儀季公高蹈苦節奇家有阿母爲女師孝養更非
人所窺太熊嚙藥家教垂君不見顏有青霞鬢有絲貞心鐵
骨儼若斯世間男子空鬚眉請讀高節寒香詩

徐體仁

字德峻號容齋蕭山諸生
著聚英堂詩錄北行詩草

孫度曰按西河集有贈徐生體仁北上詩知爲
康熙中人詩竟在中晚之間能不失固陵家法

山中秋夜

榻冷微風入窗虛夜月明更長孤夢短霜靜曉鐘清雁語兼
蟲語松聲雜竹聲白知山野客枕簟愜吾情

魯

超

字文遠號謙菴會稽人由中書

潘耒鳳臺書院碑銘畧曰會稽魯公謙菴起家由中書舍人出為蘇州同知遷知松江府大著政績舉卓異者再擢淮陽副使晉河南按察使京卿缺員擢右通政

次和王將軍宴集許觀察西園原韻

碧幢翠蓋運籌勞棋墅新從謝傅招
小队花迎香滿徑橫堤
艸長綠遍橋投壺儒雅娛清畫解甲身閒託

聖朝公宴當年傳鄰下西園風月未曾遙

徐

行

字周道歸安人前明歲貢著德舒堂集

張鑑曰行於明季復社時為湖州領袖晚年乃隱于岐黃蓋逸民也

夾竹桃次孫學士韻

一種花如綺蕭疎出短叢漫將桃葉意細與竹君同
幾度思
新綠重來認淺紅相逢不相厭長嘯入清風

陳 鉞 字雲錦 嘉善人

送吳熙臺年伯之官沔陽

先生剖竹佐名州醉擁傳車向陌頭帆重小孤看曉渡山回
大別憶春遊江斐解佩明珠絕郢客題詩白雪幽他日依劉
能載酒公餘重眺楚江樓

趙廣生 字公簡 山陰人

浙江通志廣生從學叢山之門爲
詩文高古曲折有集六卷行世

越郡詩選公簡詩高奇而
嶢峭要是此奇皆壁者

贈賈祺明府還歸江干

東南兼吏舊傳聲屏跡蕭然寄此生欲盡河源常八月倦遊
巖築只三楹大江春壓桃花水夾岸烟平柳浪驚芳艸如斯
歸未得固陵腸斷賦同行

華

謫

字吉人號龍山寧海人由貢生歷官刑部員外郎

殿學博曰龍山落陶詩於陶集和韻幾遍甲戌奉差陵寢董役有和諸公湯泉應制詩一卷龍改卷稱其詩合

節諧聲有典有則仇滄世查聲山亦亟許焉

湯泉和蔣學士宏道韻

松陰一帶護禪門地近瑤臺奉

至尊出谷黃鶯聲宛轉繞溪流水韻潺湲日高帳殿花迎笑

風被銅烏律轉溫

御輦過時春更倍有情魚鳥盡沾

恩

樓梯霞

字枚臣東陽人雲章子諸生著集香集

金華詩錄枚臣少有兼人之質年十入病盲遂不能書而健于文與友朋鬪藝有所作以指畫凡可立就學使者按部至金華執卷求試曰某盲艱于書不艱于作乞得書敏者二人七藝不移唇而成如其言果然又命作

詩銜口如應響遂補博士

弟于員此亦鳳山一奇也

據上層曰當日學使者爲周清源先生嘗曰吾兩試浙

東得此一士牧臣有二于一聲一啞天之所以厄之者

亦奇每作文聲啞者不能書則悲甚命他子姪代

稍滯則曰何鈍至此思如涌泉鈔胥率不能及也

織婦吟

蟲聲夜呼切小婦向機泣非關蕭索動秋心別有關情訴衷臆
去年歲熟棉多房白花黃梁交道旁綠窗有女事機杼九
月未寒衣盈箱今年旱魃何熒熒禾稼焦爛棉亦空偶然零
落供織紵朝機暮市延殘命舊衣典食且不充敢將刀尺問
秋風夫行采薇兒無裳涼颼颼吹我房三冬霜雪寒正苦
腹餓何堪受淒楚不爲凍鬼卽餓殍夜月機絲虛織女言罷
已覺涕泗橫拋梭不語心骨驚今歲窮簷類若此請君爲聽
織婦吟

胡

源

字資深湯溪人著杞南集

金華詩錄杞南好讀書至老不衰暇輒與山水花木為緣未嘗涉城市也嘗作瓶花齋詩集序論吳中人物謂歸震川自開戶願言所欲言唐荆川識見議論卓有可觀不見崖際于文章一途似有所見其論詩謂慶歷以前人各為詩慶歷以後人共為詩蓋欲懲七子之流弊者故獨推公安石公為不染流俗又疏蘇袁合選云唐人妙處正在無法此言恐為不學者所便其流弊更不可言矣杞南自造觀此亦知其概

秋思

萬籟起空冥疾風欲飄瓦喬松尚餘蔭巢鶴不肯下葉落其
寫端俯仰亦瀟灑造物有代謝時節胡可假感此長恨端狂
歌淚盈把渺渺滄海波應有望洋者

陳自舜

字小同號堯山鄞人

袁鈞曰陳自舜為前明御史朝輔子為人強毅方嚴於名教所在持之甚篤隱居終身黃宗義講學甬上自舜從之終日輯舊經學蘭絲牛毛不遺餘力喜購書所藏為天一閣范氏之亞

贈寧守李君

佐治賢聲遠為邦德化均恩波真似海燭照向如神遂有良
圖展能今薄俗淳可知書

御札無那促歸輪既去思何武重來望寇恂趨承忘道遠係
戀識情親黨塾楹猶舊祠亭貌尙新政畱循吏傳歌達采風
人此地成陰雨何時慰兆民四明貞石在紀錄視嶙峋

許君徵

字以九號雲怡天台貢生著楓林雜詠

過梁昭明太子廟

遺廟空山在門開對碧流鳥啼松子落猿嘯嶺雲愁帝業惟
蕭寺文章有選樓慨然懷古意高咏寄邛溝

應

鳴

字登石號臥園黃巖人著梅齋臥園詩集

咸學錄曰臥園為傲卧子無他營惟愛山水好為詩
其散藏先生世手澤及鄉邦文獻捐黃巖詩傳因錄

潘眉右蔡心陶過訪倡和

野外寡逢迎人來雨乍晴
窺園瓜莢熟下榻竹梧清
山水知音聚詩歌觸手成
知君有商權予亦薄浮名

馮永年

字魯仲號松嚴臨海人廼子山河員除戶部福建司員外遷工部都水司郎中著松嚴存稿

戚學標曰松嚴官本部提督疏瑞密厥力請從前破冒積弊同官皆不喜會兩河事敗言者遂誣及之事雖得自竟以此罷歸許宗伯汝霖以詩餞曰十載賢勞成底用一時公論竟難憑蓋深惜其去也

暮春讀放翁詩有感

數椽容膝自偷安少壯雄心久已闌
靜似遠公惟帶髮貧如陶令且休官
不關世事常酣酒爲惜春光一倚欄
生計漫勞磨尹卜好謀囊篋釣江干

張

鉉

字定父號靜齋餘姚諸生

姚江詩存先生早歲能文嗜酒性慷慨出遊四方有舉爲軍紀司理者不就歸隱一椽爲詩得風人之旨

兩浙輟軒錄

卷五

許君徵應瑞馮永年張鉉

語

十六夜鼓琴

明月在天心
泠泠動素琴
一樓空似水
萬影積成陰
曼衍魚龍戲
悲涼鼓角沈
不知燈市下
若個是知音

宋李禹

字武葵號蠟菴湖州人著涉江草

雨泛西余

十里溪光入小舟
披裘五月冷於秋
青山帶雨煙中沒
白浪兼天樹杪浮
種秫人歸萌屋冷
賣魚船過板橋幽
滄洲此日堪乘興
不待珊瑚拂釣鉤

李夏器

字不器長興人

節漢儀曰李不器能清居貞選同岑社集詩每學步竟陵惟和東柯樵唱詩緒清思永過貞錢凱

和東柯樵唱

細柳疎風拂曉鬢
烟絲漠漠就苔斑
一觴一詠何能已
斯世

斯人未可刪短髮有時終白帽長鏡無恙寄青山十年夢落
江聲裏舊事銷魂大小灣

漸之白

字致虛
烏程人

雨夜宿碧天山房

秋尋憑一杖侵夜到空林上屋懸燈暗山溪受雨深竹光生
暝坐花氣動清吟寺古無鐘磬安眠對遠岑

嚴爾璦

字子佩歸安歲貢生相廬訓導

泛舟畫溪

古樹千章暗扁舟一葉輕樓臺花外影禽鳥雨中聲山色聊
連霧溪流夜帶晴煩襟從此滌新綠傍衣生

彭錫纓

字晉三號適亭黃巖人由拔貢歷官皆

咸學標口錫纓歷官皆

有登去日民爲立碑

兩浙輜軒錄 卷五

宋李周李耳錄遺言百餘兩坡彭陽樓

三

寄臨汾何澹先明府

憐予十載滯蠻烟牛耳從君記昔年何遜客來猶有賦耿純
官能遠無錢陸沈宦海思蕉夢浪博詩名伴酒泉若問歸期
今已定晚秋人上武昌船

潘最 字屈右黃
嚴歲貢生

咸學標曰息林十二子詩箋石門何如牧序稱屈右明
末諸生多識故實康熙初將修邑志屈右任編纂會費
少不克事中間遭閭寇喘喘兵亂保全志稿二十二年
重修宿儒已盡屈右以老明經巍然獨存新進頗輕之
議論多不合罷

悠然軒

閒徑延三益朝來興不賒致詩窮物理種秫見生涯雨過山
猶濕秋遲菊未花何須添五柳風味即陶家

馮篆 字孟水號赤文臨海人魁弟署
潮陽丞政學慶通判著簡雲草

戚學標曰：肅文父股前十歲奉母王氏色養兼至，人稱孝子。省兄粵東撫署制府金公器其才，將疏薦。因先委署潮陽丞，又改委肇慶通判。引病歸。子尹年望年，俱有文名。

過蛟塘嶺

振策危巒入翠微，亂杉斜竹傍烟扉。月明長嘯無人識，老鶴盤風四面飛。

徐茂勲

字君策，號心水。天台人，由歲貢官會同澄海、增城、知縣。

戚學標曰：茂勲歷仕有聲，知會同時，邑有周奇進恃險阻不遵。

王化茂勲馳書論降之。

七夕

銀河橫空水欲流，相傳此夕會牽牛。果盒蛛絲七針孔，家家
乘月上高樓。樓高月漸落，微雲漾漠漠。鈿輪已駕粧頻催，罷
繡天衣出香閣。一年一度渡銀河，中間契濶何其多。橋成辛

苦鵲毛禿脈脈不語愁風波離情訴說知未了明朝分袂仍
草草癡絕人間兒女心尙向樓前乞餘巧

朱驊元

字晉叔
山陰人

孫度曰朱竹垞太史驊書亭詩集有與朱二十九驊元
約過揚大春華三江村居詩注云驊元朱士稚之弟

夕陽巷

宿雨連朝霽青山疊嶂齊扶藤上高樹種藕和新泥燕語來
雙箇花飛滿一溪悠悠春事晚日色正沈西

姜廷幹

字綺季
山陰人

畫徵錄綺季工寫生師吳人王勣中王奉常曰近代寫
生未有畫院習氣獨勤中神韻生動當在妙品中而綺
季獨得其法

白門贈王石谷

主人憐才夜開幕宵半猶持金鑿落扶醉歸依佛火眠霜鐘

遙和嚴城柝

兩浙輶軒錄卷五